

Universitätsbibliothek Paderborn

Mirabilis Vita Venerabilis Virginis Marinæ De Escobar Vallisoletanæ

Deprompta ex ijs, quæ ipsamet jussu Patrum suorum Spiritualium
consignavit

Vitæ Venerabilis Virginis Marinæ De Escobar. Pars Prima

Puente, Luis de la

Pragæ, 1672

Cap. 13. Quomodo Sancti, & præsertim Fundatores Religionum illam
rogaverint, ut commendaret Deo communitates ipsis commissas, & de
nonnullis horrendis rebus, quæ illi quoad hoc evenerunt.

urn:nbn:de:hbz:466:1-38580

viter offendant, & quantum est in illis, de-nuò acerbè crucifigant frequentius, occi-dant, ac sepeliant. Qui verò hoc nego-tio distinentur, illudq; bono zelo exami-nant, etiam si mihi sic velint auferre do-lorem, mēq; refigere à Cruce, nihilominus me vehementer affligunt, quod significat brachium refixum, sicut vidisti, cum in-genti dolore totius corporis: hinc enim sunt orta maxima peccata, quemadmo-dum tibi dixi, etiam si id cessurum sit in-bonum quorundam, ac salutem. Diabo-lus sub specie & prætextu bonorum fini-um, rerumq; valde necessariarum ac utili-um, hæc damna intulit. Quando agno-vi tuam charitatem, & dolorem, quem-sentis ob hæc damna, quæ jam à me in-tellexeras, tantumque Fervorem, quo oras pro omni ea necessitate, valde me recre-avisti & solata es. Atq; id erat, quod te-rogaverim, dicendo: Anima, compatere.

mihi, depone me ex ista Cruce, & fer me ad sepulchrum: Sepeli me pro tua chari-tate, quâ carent qui me crucifigunt. Quæ omnia es exequuta cum magno dolore, & amore. Et hoc significat, quod me habueris obvium in gloria mea Refu-ctionis. Cætera verò omnia, quæ tibi contigerunt, quando me vidisti in Cruce, & voluisti statim quæm ardenterissime complecti, ego autem tibi id prohibui, facta-funt, ut intelligeres, diceresq; omnibus, ut sciant, quid animæ, quas specialiter amo, & reliquæ omnes, debeant esse adeò hu-miles, ut non attentent tam admiranda, nisi ego ipsas prius disponam, & vocem, alias enim errarent, si lecus ficerent. Hæc est, Anima, declaratio mysteriorum, quæ vidisti, & tibi acciderunt.

• 9 (***) •

C A P U T XIII.

Quomodo Sancti, & præsertim Fundatores Religi-onum illam rogaverint, ut commendaret D E O Communitates ipsi-commis-sas, & de nonnullis horrendis rebus, quæ illi quoad hoc evenerunt.



*Ancti Cæli incole, Patroni
quarundam Communita-
tum, quæ sunt in terra,
præsertim Fundatores Re-
ligionum, videbant ma-
gnas gratias & favores,
quos D E V S exhibebat Marine de Escobar,
ac efficacem ipsius orationem, nec non, qui-
bus necessitatibus propter eam mederetur. Et
quando, D E O volente, illam visitabant, ro-
gabant ipsam, ut succurreret y s, qui ipsorum
curæ erant commissæ, tum precibus, tum
monitis, quæ illi suggerebant.*

§. I.

*Q*uidam vice illam invisit Gloriosus
Apostolus S. Petrus, dicendo ipsi: Veni,

rogaturus te, ut diligenter commandes D E O Sanctam Ecclesiam Catholicam & Pontificem; qui tunc erat Clemens Octau-
vus; indicando nobis hæc missione curia, quam semper habet de Ecclesia, ac de Ponti-ficiis Romanis, suis Successoribus. Quid ipsi magis manifestavit alias (anno 1600), quando illam visitavit Sanctissima Virgo
Stepata gloriosus Apostolis Sancto Petro, &
Sancto Paulo: Qui, inquit, me rogabant, ut impetrarem à D E O, pro sede Apo-stolica, quandam gratiam temporalem, que concernebat ipsius ditionem, ac authori-tatem, & præcipue Gloriosus Sanctus Pe-trus instantiū id petebat. Audivi statim Beatissimam Virginem respondentem gra-viter: Est res digna consideratione, qua si id concedatur, patientur damnum pa-peris,

peres, & non proderit illis eorum justitia, aut aequitas. Sancti, hoc responso accepto, quasi fuerunt persuasi, ut acquiescerent. Sed Virgo conversa ad me, affabiliter mihi dixit: Tibi autem, Amica, quid videretur? Ego erubui, quod ita interrogarer, ac tandem respondi: Ut faveatur pauperibus. Post hoc abiverunt ad Cœlum. Sanctus Apostolus Jacobus alias mihi dixit (anno 1603.) ut DEO commendarem Regnum Hispaniae, cuius ipse esset Patronus, & Regem Philippum Tertium.

§. II.

Frequentius Sancti Fundatores Sacrum Religionum illam rogabant, ut commendaret DEO ipsorum Religiosos, ut apparuit in multis casib[us] hactenus recentissis, quibus adjungemus istum. Quodam die (in Decembri, anni 1622.) audivi solennem Musicam Angelorum, sicut dum celebratur Festum in quoipiam templo; & paulo post, vidi intrantes meum cubiculum plurimos Angelos, quos sequebantur Sancti Patriarchæ Religionum. Primus veniebat S. Dominicus, & S. Ignatius, tum S. Franciscus & S. Bernardus, postea S. Benedictus, & ultimus S. Augustinus. Postquam venerunt ad meum cubiculum, incipit loqui S. Dominicus loco omnium, cumq[ue] ipse solus loqueretur, videbantur mihi loqui omnes, & dixit: Soror nostra, DEUS tibi d[icit] felicia festa, cum magno incremento suorum Divinorum donorum, sicut credo & spero, te illa habitram in Domino; & alia his similia. Ego respondi: Benedicte Sancte, ego tibi eam non precor, scio enim, quod tu, ac tui sancti socii, ipsa habeatis felicissima, habitu[m]q[ue] sitis aeternum in Cœlo cum DEO. Gratias ipsis eg[o], pro favore & charitate mihi exhibita, quam optimè scivi. Tum S. Dominicus tetigit manu, in pectore, Sanctum IGNATIUM, quasi illi dicens, ut me alloqueretur. Sanctus me est alloquutus quam amantissime, dixitq[ue] mihi: Soror & Filia mea, commenda diligenter DEO meam Religionem; ut Divina Majestas illam conservet, ac augeat in suo san-

cto servitio. Ego respondi: Benedicte Sancte, tu id melius facies, qui frueris DEO in Cœlo, quam ego, qua dego in hac miserabili vita. Tum Sanctus: Bene est, fac, quod à te peto, quia DEUS libentissime audit preces suorum servorum, viventium in mundo, & multum facit propter illos. Omnes reliqui Patriarchæ me salutaverunt; atq[ue] idem petiverunt, pro suis Religionibus. Ego vero etiam illos rogavi, ut me juvarent, & alia quædam ab ijs petivi speciatim. Resumpfit sermonem Sanctus Dominicus, rogavitq[ue] me, & imperavit mihi, ut commendarem DEO Sacram suam Religionem, ac illius augmentum & conservationem, nominatim autem, ut in Conventibus ac tempore Congregationum & Capitulorum, tantum habatur præ oculis DEUS, absq[ue] ullo respectu humano. Ego respondi: Pater Sancte, jam scis me esse filiam tuæ sacrae Religionis, eamq[ue] à me ex animo amari in Domino. Faciam, quod jubes, promptè.

Rationem, ob quam dixit S. Pater noster IGNATIUS, à Sanctis Cœli incolis, peti preces Justorum, degentium in terra, ipsi magis declaravit alias, ista occasione. Cum enim ego, inquit ipsa, illum rogarem, peteret à DEO, ut concederet ipsius Societati quædam, quæ ego optabam, pro ejusdem maiori emolumento, præsertim, ut loco non nullorum Patrum extinctorum, in quodam exercitu Regis Philippi Secundi, illi daret alios, qui supplerent eorum defecatum; Sanctus Pater mihi peramanter respondit: Pete id tu à DEO. Ego hoc admirans, dixi illi: Sancte Pater, tu apud DEUM, amando ipsum, & eo continuè fruendo, manes securus de illius gratia, ac sine periculo ejus perdendi, & mandas mihi miserabili, ac plenæ peccatis & fragilitatibus, atq[ue] obnoxia periculis, quibus in hac vita sumus expositi, ut hoc postulem à Divina Majestate, quæ vix audeo comparere in Divino ipsis conspectu? Tu id melius obtinebis, si illud petiveris ac postulaveris ab ipso. Tunc Sanctus Pater noster IGNATIUS respondit: Tu id pete ab illo, & crede mihi, quod sapienter amici DEI, quos ille habet hic in terra, suâ charitate,

VVV

& sim-

& simplicitate, ac desiderio, quo cupiunt bonum proximorum, cum quibus agunt, impetrant à Divina Majestate tantum, aut amplius, quam nos, qui sumus in Cœlo, eo modo, quo tu dicas. Hoc auditio tacui, & feci, quod jubebar à Sancto Patre, credens ipsius dictis.

Ista veritas fundatur in tribus specialibus causis, que concurrunt in justis existentibus in terra, magis quam in ijs, qui sunt in Cœlo. Primo, quia frequenter actu patiuntur pro DEO graves tentationes vel dolores, aut persecutions, & Divina Majestas dolens vicem ipsorum, quod affligantur, ut eos consoletur, exaudit ipsos & concedit illis, quod petunt pro alijs. Secundo, propter specialem charitatem, quam demonstrant in hac oratione: cum enim deberent omnes professe, quasi non estimarent suas necessitates, instanter intercedunt pro alienis. Tertio, quia multi ex ijs, pro quibz omnibus, ipsos concernunt & sunt eorum cura commissi, ac sororunt pro illis, ac si de re ipsorum ageretur, cum magno fervore ac dolore, atq; sicut DEVS plura patrat miracula per quosdam justos hic viventes, quam per alios, qui sunt in Cœlo, quemadmodum constat ex vita S. Bernardi, qui sanavit quendam terribilem energumenum, quem non sanavit S. Syrus; ita etiam aliquando exaudit peculiari affectu preces aliquorum justorum hic viventium, in quibus concurrunt dictæ causa. Nibilominus cum nobis non constet de eorum sanctitate tam certè, quam de sanctitate Cœlitum, ita nobis est ad ipsos recurrentum, ut primum locum dñmus Beatis, sicut ipsamet quoq; faciebat, habens illos pro intercessoribus. Sed revertamur ad id, quod Sancti Patriarche ab ea petebant.

§. III.

Ad hoc propositum referemus nonnullos horribiles casus, quos DEUS & Sancti Fundatores illi representaverunt, ut ipsam permoverent, ad orandum instanti. Postquam me, inquit, visitavisset Gloriosus S. Dominicus (anno 1616.) dedissetque mihi quoddam mysticum Rosarium, nomine Sacratissimæ Virginis, sicut jam scri-

ptum est, (in libro 4. Cap: 34.) confedit prope me, ut diu mecum loqueretur, neque solaretur in meis afflictionibus. Et ex improviso adverti, quod ad latus ipsius, aliquantum retrò, assederit in alia sede, quidam Religiosus, qui mihi videbatur modò hunc, modò alium diversum habere vestitum, ita ut non potuerim bene intelligere cuius esset ordinis; & intuensipius faciem, quamvis cum repugnante, nolensq; ipsum agnoscerem, ferè illum nosecbam, quamvis id dissimularem. Habebat iste Religiosus Sacerdos vultum morosum & indignabundum, acsi vehementer irasceretur, & aliquid mali moliretur. Dum id viderem, eram afflictissima, & confugi ad DEUM more solito; Sed Beatus Sanctus Dominicus, videns meam turbationem, mihi dixit: Ne turberis, Soror, expecta modicum, volo enim tibi dicere, quid significet, quod tibi DEUS in hac visione ostendit. Scias hunc miserabilem, quem juxta me vides, esse religiosum, qui descivit à sua Religione & prima vocatione ad aliam, ac ad alium statum.. Offendit Divinam Majestatem gravi peccato, propter quod secundum presentem justitiam DEI est damnatus ad mortem æternam.

Audiens mea anima istum casum tam miserum, antequara Sanctus desisset loqui, recurri ad DEUM secundo, peitura ab illo cum summa instantia, timore ac dolore interno, sanctissimum ipsius lumen, pro agnoscendis ejus veritatis & consequenda illius voluntate in rebus omnibus. Hoc egit anima mea diutissime, nolens iterum convertere oculos ad illud spectaculum, quod visum meum tantopere afflixerat. Verum Dominus Majeſtatis blandè ac suaviter, sicut semper solet, fecit, ut denuo adverterem ad casum. Inveni Sanctum, sic ut illum reliqueram. Et quia expectabat, quam amabilissime & benignissime, conjectis in me oculis, dixit: Soror, redijsti, & Dominus te misit, ut audiás totum meum sermonem, faciasq; quod tibi dixero. Jam tibi retuli multum statum istius creature, que tibi fuit exhibita. Quod tibi nunc dico, & à te pe-

te peto, nomine D E I, ac Sanctissimæ ejus Matris, est, ut quam instantissime, & toto corde tuo ac anima petas à Divina Majestate salutem, pro ista creatura, quam tibi hic ostendi, quia infinitè desidero, ut Dominus D E U S misereatur hujus animæ, quæ licet adeo sit perdita, me assumpit pro advocate & intercessore suo apud Divinam Majestatem.. Cùm mea anima audiret hos Sancti sermones, respondi humiliter, ac dixi: Benedicte Sancte, faciam, quod mihi præcipis, libenter: sed cùm te habeat advocatum & intercessorem hæc anima, quid illi potest deesse, & quid illi prodefuisse potest teruntiolus mearum miserabilium Orationum? Fac quod à te peto, (ajebat Sanctus) amore D E I: jam enim alias tibi dixi, quanti momenti sint preces fervorum D E I, qui vivunt in hoc exilio, pro impertranda à D E O misericordia, & eo, quod ab ipso petunt. Conjugē tuas orationes & preces meis, pro ista anima, quia erunt summi momenti, proderintq; ipsi. Ego illas offero Benedicte Sancte (dixi) quam libentissime & promptissime, in nomine D E I, arq; ut tibi obsequar.

Post paucos abhinc dies, quod ad hunc Religiosum attinet, mihi accidit, quod dicam.. Vidi quodam die descendente per aërem quandam pietam imaginem, quasi Christi Domini, et si malè formatam. Ferebant illam ante se quidam, quos ego non videbam.. Fui afflita, quod hoc visiderem. Interrogavi meos Angelos, quid esset. Dixerunt mihi: Brevi scies. Deinde vidi venientem Christum Dominum circumdatum ab Angelis, qui ubi confedisset in quodam throno, mihi dixit: Quomodo oblita es orare, pro illa persona, quam tibi dixi versari in periculo damnationis? Et dabo signo ijs, qui latebant post imaginem, erantq; diaboli, dixit: Arripite illam; quasi diceret, ut me castigarent. Accurrerunt Angeli, & dixerunt: Domine, nos id faciemus. Sustulerunt manus ad me castigandam, quo fuit satisfactum, Domino, propter meam debilitatem. Peccavit Divina Majestas necessaria pro scribendo, quæ ipsi attulerunt Angeli; & in-

cepit scribere. Intellexi quod vellet scribere damnationem illius personæ, & coepi quam solicitissime illi dicere: Noli scribere, Domine, non est tibi id scribendum; tenebamq; illi brachium, ne scriberet. Tandem dixit Divina Majestas; cùm nolis, ut ego scribam, scribe tu. Ego dixi: Quid possum ego, Domine, scribere? & accipiens calamus Angelus meus Custos scripsit, quod ego illi dictavi, eratq; hoc: Domine D E U S, obsecro te pertulum Filium Christum J E S U M, qui praefens adest, & per pretiosissimum illius sanguinem ac merita, juva istam personam, ut salvetur. Quibus verbis statim subscripsi meum nomen.. Hoc factò incepit Divina Majestas abire. Interrogavi Angelos, quare imago illius hominis similis fuerit Christo Domino? Dixerunt mihi: id èo, quod es et Sacerdos; tales enim suo officio representare Christum Dominum.

§. IV.

Aliud quiddam horribilium illi evenit, quod refutum, quia habet circumstantias utilissimas. Manifestaverat illi D E U S aliquoties, quam illi displiceant Religiosi ac Docti in Ecclesia, qui cum magis teneantur præbere bonum exemplum, id non faciunt; quod ipsam vehementer affligebat, sicut significavit (in Julio, anni 1616.) in quadam charta, quam mihi dedit, his verbis:

Mea anima ardor zelo majoris profectus animarum, & majoris gloria Divinæ, ut mihi eo videatur cor absumi, atq; omnes defectus & errores personarum virtuolarum ac spiritualium, & consequenter hallucinationes ac errores in rebus aliquibus momenti, me intolerabiliter torqueant, præsertim, quod ista videam & cognoscam, clarè illuminata à D E O, audiāmq; continuo ipsius querelas, quæ mihi cor disruptum, & faciunt, ut interdum Divinæ Majestati dicam: Quid vis, Domine (miseram me!) à me hac in re fieri, quæ illam non possum emendare, néq; creature sunt ad id dispositæ? Emenda tu id, qui potes. Sed respondit mihi Dominus aliquoties: Bene video, quod dicas; sed

Vvvz

sed volo, ut mihi compatiaris, atq; tuâ afflictione & oratione à me obtineas, per meam misericordiam remedium, pro hoc genere hominum. Noveris autem magna esse lucra, quæ diabolus potest referre (nisi mea misericordia ipsum quandoq; contineret, dum mihi videtur) ex similibus hallucinationibus ac erroribus, quos hæ personæ spirituales committunt, profectos & ortos ex ipsarum immortificazione: & cùm occultè sint tenaces sui iudicij, neq; itâ fundatæ, sicut ego vellem in humilitate ac sancto meo timore, non respondentes in hoc, quantum deberent, lumini, & gratijs, quas à me acceperunt, propterea proximæ sunt erroribus. Quamvis autem id non agant ex proposito, offendenter me tamen & affligerent, si possem aliquid pati. Omnes isti defectus me magnopere excruciant, uti & illud, quod propterea patientur ex personæ, quæ sic reguntur, quásq; D E U S imposuit ipsis miserabilibus humeris, ut eas mecum veluti circumferam, ac si essent progenitæ ex meo corde, quibus summè illarum bonum exopto.

Hec fuit scheda, in qua satè declamat suum ferventem zelum. In cuius rei confirmationem habuit ista horrendam visionem, similem illi, quam P. Frater Ferdinandus de Castillo refert in Annalibus sui Ordinis; quamvis hi Religiosi non fuerint ex ipso, sed ex alio; neq; necesse est illos nominare; cuius Ordinis S. Fundator frequenter illum rogabat, ut quam exixissime commendaret D E O suos Religiosos.

Quadam vice, inquit, me dormientem excitavit Dominus, & statim postquam suis experefacta, mihi ostendit in quadam quasi ampla aula, circiter triginta Religiosos cuiusdam Religionis, qui in ea aula hoc modo erat constituti. Virginiti ex ipsis stabant ad quandam mensam, quæ fuit alta instar altaris, & habebant tergum conversum ad januam aulæ, ita ut stans apud januam non posset ipsorum vultum videre, atq; idcirco illos non potui agnoscer. Habebant pallia, quæ gestant dum egrediuntur è domo. Cæteri autem, qui mihi videbantur esse cir-

citer decem, sedebant in sedibus demissis ad aliam mensam, facie versâ ad januam, sed itâ dejectis ac pendulis capitibus, adeoq; cooperitis caput, ut similiter quodam modo non potuerim videre illorum vultum. Postquam autem ipsos vidi, sem, dixit mihi Dominus: Ecce hi sunt ex illis malis Religiosis, quos tibi aliquando dixi reperiri, quibus ego vehementer indignabar, eò quod, cùm deberent esse Sal terra, & suo exemplo, talentis, literis ac officijs præbere bonum exemplum suis, erudire, & multum adferre commodi, ac prodesse animabus, præfertum sua Religioni, dederint malum exemplum suis superbijs ac prætensionibus, & malâ virtute. Iste, quos hîc vides, sunt ex ipsis, & sunt in Inferno propter id, quod tibidu. Cùm autem ego illos viderem, & audirem, quod mihi Dominus dicebat, intellexerim; à Divina Majestate, inventi, ea Religione forte quodam, qui etiamnam taliter viverent, vehementissime indolui, & orabam pro illis frequenter D E U M, ut Divina Majestas ipsos dignaret liberare ex tantis malis ac peccatis, propter quæ versantur in tanto periculo sua salutis.

Hanc revelationem volui referre, ut quæ magis excellunt literis & munjs, que gerunt, agnoscant incumbentem sibi obligationem, præbendi melioris exempli, nec non majus periculum, quod incurruunt, ne pertinant, propter defectum humilitatis, & magnam ambitionem. Neg. culpari debent literæ, quia si adgit humilias, sunt bona Ecclesiæ Catholica, & Religionum, confiduntq; ad magnam DEI Gloriam, ac bonus animarum, & qui sunt docti ac humili, multò sunt illustriores in Religionibus, fulgebuntq; in Cælo, in perpetuas aeternitates.

Post multos deinde dies, cum Marina obliterata fuisset hujus necessantis, & neglexisset pro illa orare, Sanctus Fundator ipsius Religionis ipsam invisit & quesitus est, propter istam illius oblivionem, exhortatus est illam, ut perseveraret orando, cum eadem sollicitudine, ed quod duraret periculum.

)

§. V.

§. V.

Denig, Angeli Custodes veniebant quandoq; rogaturi ipsam, ut DEO commendaret animas illis commissas. Et postquam ego illam rogavissim, ut ovret pro duabus aut tribus personis, de quibus mihi dictum fuerit, & egos responderem, quod male regerentur; cum id exequeretur, evenit ipsi quiddam, in quo simul ostendit suam magnam honestatem, ac circumspetionem. Dum, ait, aliquando manè agerem cum DEO, attollens oculos animæ, vidi duos Sanctos Angelos, qui ad se invicem conversi videbantur conferre de rebus, quæ ipsos redderent sollicitos & contristarent: Erant vestiti modo quodam inusitato, qualiter illos induitos nunquam videram, quia vestes ipsorum erant nigræ, quales gestant adolescentuli virtuosi, & specialiter collecti atq; compositi. Statim ac illos mea anima conflexit in ista specie, cum id ipsi esset novum, avertit ab ijs oculos, & recurrit ad DEUM, pro more. Postquam autem à Divina Majestate fuisse iusta, illos iterum aspicere, aspexit ipsos, adhuc tamen turbata, ac timore perculsa, quod eos videret in tali veste. Dixit ijs: Dicant Domini, quid jubent? quid volunt? quia ego ipsos non bene agnosco, sintne Angeli DEI, an non? Illi responderunt cum magna modestia, & sapienter atq; graviter, ac aspicientes se mutuo: Nos, Soror, sumus Angeli DEI, venimus, ut tecum nomine ipsius loquamur; audi, quod tibi dicere volumus. Etiannum mea anima erat consternata, ac terrefacta è novitate, quod illos videret in tali specie adolescentulorum, ideoq; ipsi responderi: Domini, quantumlibet sint Angeli DEI, ego non cogito cum illis loqui, neq; ipsos audire in hac specie. Illi verò responderunt valde mansuetè & modestè: Quid autem, Soror, dicemus Domino, qui nos ad te mittit? Domini, ajebam ego, dicant DEO, quod ego illos non noſcam, quodq; si Divina Majestas aliquid vult, vel iuber, sim präfō, ut exequar sanctissimam ejus voluntatem: sed ut ipsos mitiat, sicut solet, in alia specie & habitu, ut

illos agnoscam, possimq; audire ac alioqui: in hac enim specie non possum. Atq; sic abiverunt illi sancti Angelii, valedicentes mihi. Intra medium horæ quadrantem redierunt ijdem sancti Angelii ad me ita vestiti ac adornati, sicut ipso mihi ordinariè DEUS exhibet, & constituti in conspectu oculorum meæ animæ, mihi dixerunt: Soror nostra, nos sumus Angeli Custodes durarum animarum ex tribus, pro quibus oravisti DEUM, venimusq; ad te, rogaturi te, quām possumus maximè, ut ores pro ipsis quām diligenter Divinam Majestatem: significamus enim tibi, quod Divina Majestas decreverit illas graviter puniri. Atq; ut indicaremus tibi afflictionem ac dolorem, quem, si Angeli Custodes possent ullum sentire, nos haberemus, non solum propter peccata, quæ committunt animæ, quas custodimus, sed etiam propter mala ac molestias, quas ipsæ & earundem corpora patiuntur; ut tibi id indicaremus, venimus ad te, eo modo & in ea veste, in qua nos antea vidisti, propter quod ob tuam modestiam & verecundiam fuisse turbata. Audiens id dici, ab illis sanctis Angelis, quos jam, ut tales agnovi, fui turbata, quod existimarem, mihi nunquam à DEO manifestari aliena peccata, quodq; dicere, DEUM graviter puniturum aliquam animam, mihi videretur esse idem, ac significare, commissa ab ea fuisse gravia peccata: propter quam cogitationem ijs hoc ipsum respondi. Illi verò dixerunt: Soror nostra, nullum peccatum, licet sit exiguum, commissum contra Divinam Majestatem nostri magni DEI ac Domini, vocari potest exiguum, nisi comparatum cum alijs majoribus: & ista exigua, quæ vocatis venialia, non possunt committi ullo casu, neq; pro toto mundo, ac DEUS illa punit gravibus pœnis, quales sunt Purgatorij. Unde dum nos dicimus, quod DEUS velit punire istas animas gravior, non dicimus, quod commiserint magna peccata, neq; ut te id oporteat cogitare, sicut facis. Ora Soror, pro ipsis animabus DEUM, sunt enim constitutæ in gravi necessitate, & offer Divinæ Majesta-

Vvv 3

ti ali-

ti aliquid pro ipsis: facies namq; rem gratissimam D E O. Ego illis promisi, me id facturam, & feci, atq; eā nocte sum passa acerbos dolores, quos pro illis D E O obtuli. Deinde mihi incidit cogitatio, ut illos interrogarem, an judicium mei Confessarij in isto casu fuerit conveniens ne-

cessitati harum animarum, placuerat D E O. Responderunt mihi, iteratō: Ita, ita; & statim, mihi valedicentes, abiurerunt. Ego verò solicitabar de commendandis D E O illis animabus. Benedic etus sit D E U S in æternum!

•g(**)•

C A P U T XIV.

Quomodo ei Dominus & Sancti Fundatores Religionum dixerint, non acceptanda ipsius monita, ut ne concideret animo, ac de indignatione Divina, adversus eos, qui illa non acceptabant.

§. I.



Uia Venerabilis Marina accipiebat à D E O multa monita & consilia, quæ daret proximis, quibuscum agebat; ne cogitaret, omnia sibi successum ad votum, & omnes acceptiuros ipsius monita, ac profecturos ex ejus consilijs, sed fore etiam nonnullos, qui ea essent vili penituri, voluit illam Dominus de eo premonere, cùm ex se ipsa esset tam meticulous. Quodam die, inquit, dum vacarem meæ collectioni, dixit mihi Divina Majestas: Adverte, moneo te, interdum te futuram gratam, ubi exequuta fuerit hoc munus tibi à me injunctum; alias verò etiam non magnopere placitaram, & inventuram obstaculum ac difficultatem, in quibusdam. Audivi, quod mihi dixerat, ac filui. Ut imbecillis autem & muliercula, sensi id modicum, quia nesciebam quid esset futurum, quidue essem passura, quamvis iste sensus fuerit exiguis, quia confidebam in Divina Majestate, me ab illa in omnibus adjuvandam.

Id aliquoties experientiâ comperit, præfertim quando jubentibus Sanctis Fundatoribus Religionum dabat (ut eit dictu) quedam monita ipsorum Religiosis: licet enim multi illa plurimi fecerint, & omnia, que

ipsa ijs suadebat; propter suas tamen rationes ea non acceptabant, neg. inducebant animum ad omittendum, quod ipsis illorum prudentia & ratio dictabat: quia fortasse sibi non persuadebant, D E U M, vel Sanctum Fundatorem sui Ordinis, loqui peritiam fæminam. Sumptu igitur hiuc occasione, duo Sancti Patriarchæ, S. Dominicus & Sanctus Ignatius, dederunt illi quadam monita, ad propositum, de quo agimus, pertinencia, plena mimbili doctrinâ, ut propter ea mihi videantur hic referenda.

§. II.

*D*um, inquit, agerem quodam dicum D E O, in mea collectione, susluli oculos animæ, ac vidi, adesse Sacratissimam Virginem Dominam nostram & Gloriosum Sanctum Dominicum, atq; intuita sum ipsos cum magno solatio, appetiens illos visu intellectuali animæ, qui in me est clarior & acutior visu oculorum corporeorum. Beatus Sanctus Dominicus colloquebatur cum ea magna Domina, quasi secrètè, ac de rebus gravibus & magni momenti, concernentibus suam Religionem. Quia verò ego incepseram cum quibusdam ex illa conversari, concepidebam sciendi, an sermo esset de quipiam eorum quibuscum egeram, & implexi eos colloqui de quadam epistola, quam ego scripseram ad Patrem Provincialem